



Pou Piblikasyon Imedya: 6/11/2023

GOUVÈNÈ KATHY HOCHUL

GOUVÈNÈ HOCHUL ATAKE KRIZ MÒTALITE ENFANTIL AK MATÈNÈL LA

Li siyen S.1867A/A.5435A pou kreye reptwa kominotè pou fanm saj Eta New York yo, yon nouvo resous pou fiti paran yo

Gouvènè a ankouraje Nouyòkè ki elijib yo pou yo enskri nan Medicaid, ki pral kouvri sèvis fanm saj yo apati 1e janvye 2024

Anonse 4.5 milyon dola nan finansman anyèl pou Sant Perinatal Rejjonal Eta New York yo

Yo fèk pibliye done Federal ki devwale mòtalite enfantil ki ogmante nan Etazini pou premye fwa nan de deseni; mòtalite matènèl nan Etazini pi wo pase nasyon ewopeyèn yo

Gouvènè Kathy Hochul te anonse jodi a dènye efò New York pou konbat pousantaj mòtalite matènèl ak enfantil la, pliske mòtalite enfantil te ogmante nan tout peyi a pou premye fwa nan plizyè deseni. Lejislasyon S.1867A/A.5435A mande Depatman Sante Eta New York (New York State Department of Health, SYSDOH) pou kreye epi kenbe yon repètwa fanm chay New York – ekspè nan akouchman ki bay sipò fizik, emosyonèl ak enfòmasyon anvan, pandan, epi apre eksperyans akouchman an. Gouvènè Hochul te anonse tou ke sèvis fanm chay yo pral kouvri pou tout moun ki enskri nan Medicaid apati 1e janvye 2024. Gouvènè a tou mete aksan sou 4.5 milyon dola nan finansman anyèl pou Sant Perinatal Rejjonal (Regional Perinatal Centers, RPCs) yo te garanti nan bidjè Ane Fiskal 23 a, ke Depatman Sante Eta New York la te bay.

"To mòtalite matènèl ak enfantil nou yo se yon wont", **Gouvènè Hochul te deklare.** "Elaji aksè a sèvis fanmchay se yon estrateji efikas, ki baze sou prèv pou sipòte fiti paran yo epi pèmèt tibebe yo grandi ak pwospere. Antanke premye manman ak granmè ki sèvi kòm Gouvènè New York, mwen pran angajman pou m fè tout sa m kapab pou m atake ogmantasyon twoublan mòtalite enfantil sa a."

Komisè Depatman Sante Eta New York la, Doktè James McDonald, te deklare, "Depatman Sante Eta a rete angaje l pou l abòde ogmantasyon to mòtalite pami moun Nwa ki akouche yo. Sèvis fanm chay yo ka amelyore rezulta nesans epi bay fanmi yo sipò emosyonèl pandan yon tan ki ka difisil. Mwen kanpe ak Gouvènè Hochul pou m

kontinye goumen pou sèvis ki pral asire tout moun ki akouche gen yon eksperyans akouchman ki an sekirite epi ki ekipe yo."

Gouvènè a te siyen lejislasyon S.1867/A.5435A, ki egzije Depatman Sante (DOH) Eta New York la etabli epi kenbe yon repètwa kominotè pou fanm chay nan eta sou sitwèb DOH pou rezon ranbousman Medicaid. Lejislasyon sa a pral ankouraje sèvis fanm chay bay moun k ap resevwa Medicaid yo epi etabli kritè pou admision nan repètwa kominotè pou fanm chay Eta New York la.

Senatè Eta a, Samra Brouk te deklare, "Mwen rekonesan anvè Gouvènè Hochul pou sipò li nan lejislasyon sa a pou kreye yon Repètwa Kominotè pou Fanm Chay. Pwojè Iwa sa a pral asire swen fanm chay pi aksesib pou fanmi ki bezwen li epi li make yon etap enpòtan nan konbat ogmantasyon pousantaj mòtalite matènèl, espesyalman pou Nouyòkè Nwa yo, ki gen senk fwa plis chans pou yo mouri akòz yon konplikasyon ki asosye ak gwo sès. Mwen espere kontinye travay ansanm ak Gouvènè Hochul, patnè mwen yo nan lejislati a, ak fanm chay kominotè yo yo mem pou elaji aksè ak swen fanm chay nan Eta New York."

Manm Asanble Michaelle Solages te deklare, "Pwojè Iwa sa a se yon etap enpòtan nan direksyon plis aksè ak swen fanm chay nan Eta New York. Moun koulè ki ansent yo, espesyalman fanm Nwa yo, fè fas ak yon pousantaj ki dispwopòsyonèlman pi wo nan konplikasyon gwo sès ak mòtalite matènèl. Fanm chay yo ede konbat sa a lè yo bay sipò nan pri ki ba pou moun k ap akouche yo. Mwen felisite Gouvènè Hochul paske li siyen Iwa sa a, ki pral bay yon espas santralize ak aksesib pou moun ansent jwenn bon jan kalite swen fanm chay ke yo bezwen pou fè yon eksperyans akouchman pozitif."

Anplis de sa a, Gouvènè Hochul a ankouraje Nouyòkè ki elijib yo pou yo enskri nan Medicaid, ki pral kouvari sèvis fanm saj yo apati 1e janvye 2024. Tipikman, relasyon kliyan ak fanm chay la kòmanse kèk mwa apre yon gwo sès (ak fanmchay la k ap sipòt kreyasyon plan nesans lan) epi li dire pandan gwo sès la ak peryòd apre akouchman an.

An avril 2018, DOH te anonse [Pwogram Pilòt Fanm Chay Eta New York la](#), ki te bay pwoteksyon Medicaid pou sèvis fanm chay pou moun ki ansent ak apre akouchman nan Konte Erie, ki te pwolonje sèvis sa yo bay anpil rezidan ki gen revni fèb pou premye fwa. Nan Bidjè Eta ane sa a, yo te pwolonje kouvèti Medicaid pou sèvis fanm chay yo nan tout eta a, sa k ap anvigè 1e janvye 2024.

Malgre done nasyonal yo, Eta New York te fè gwo pwogrè nan diminye pousantaj lanmò enfantil epi kounye a li klase 4èm nan nasyon an pou pi ba pousantaj mòtalite enfantil. Sepandan, diferans rasyal ak jewografik yo reflete tandans nasyonal yo - ak ti bebe Nwa ki prèske twa fwa gen plis chans pou yo mouri ke ti bebe Blan yo. Pousantaj mòtalite matènèl nan tout eta a te rive an 24.1 pou chak 100,000 nesans vivan nan ane 2008-2010, epi kòm repons, DOH te kreye Inisyativ Revizyon Mòtalite Matènèl (Maternal Mortality Review Initiative, MMRI) pou revize sistematikman tout lanmò matènèl Eta New York yo epi devlope estrateji ak entèvansyon pou diminye risk pou

Ianmò sa yo. Kòm rezulta mezi sa yo, Eta New York te amelyore anpil nan klasman nasyonal yo.

Bidjè Eta pou Ane Fiskal 23 a te atribye 4.5 milyon dola nan finansman anyèl pou sipòte Sant Rejyonal Perinatal (RPCs) eta a, ki se lopital ki bay pi wo nivo swen perinatal ak pou tibebe epi sèvi kòm antite kowòdinasyon sou rezo sant akouchman afilye yo. RPC yo bay sipèvizon rezo yo pou idantifye domèn pou amelyore, tankou fòmasyon lòt founisè oswa pwotokòl amelyore. Finansman sipòte RPC atravè eta a pandan y ap rasanble pati konsène kle yo pou ankouraje kolaborasyon ak referans epi diskite sou sijè enterè rejyonal.

Lejislasyon jodi a, ki patwone pa Senatè Brouk ak Manm Asanble Solages, pral pi lwen pou kenbe moun ansent an sekrite lè li kreye yon '*Baz Done pou Fanm Chay*' ki aksesib publikman ki ta sipòte kantite [fanm chay](#) k ap grandi nan Eta New York k ap travay avèk moun ki ansent ak fanmi pa yo. Dapre [Asosiyasyon Gwosès Ameriken](#) (American Pregnancy Association, APA), "etid yo montre ke si w gen yon fanm chay kòm manm ekip nesans li diminye to sezaryèn an jeneral nan 50 poustan, ak longè akouchman pa 25 poustan".

Senatè Eta a, Cordell Cleare, te deklare, "Mwen kontan Gouvènè a ap siyen Pwojè Lwa Repètwa pou Fanm Chay la, ke mwen te ko-patwone ak fyète epi ke Senatè Brouk te defann yon fason efikas. Gen aksè ak otonomi, sipò, konpreyansyon ak eksperyans yon fanm chay absoliman nesesè pou sante fizik, mantal ak emosyonèl manman ak timoun epi li dwe yon dwa moun debaz."

Senatè Eta Lea Webb te deklare, "Nou konnen ke fanm chay fasilité sekrite ak bon rezulta sante pou tout manman, espesyalman manman koulè yo alafwa pandan nesans ak peryòd apre akouchman an. Lejislasyon sa a pral kreye yon repètwa pou fanm chay, ki pral amelyore aksè ekitab ak founisè sante sa yo epi ede konbat diferans sante matènèl epi asire rezulta ki an sante pou plis tibebe ak manman. Mwen fyè, antanke Prezidan Komite Pwoblèm Fanm Sena a, pou m te defann pwojè Iwa sa a, epi mwen rekonesan anvè kòlèg mwen an, Senatè Brouk, pou lidèchip li sou pwoblèm sa a. Mwen remèsyé Gouvènè Hochul paske li demonstre angajman li anvè sante matènèl lè li siyen lejislasyon sa an Iwa jodi a."

###